



Møteprotokoll for Formannskapet

Møtedato: 19.10.2016
Møtestad: Formannskapssalen
Møtetid: 09.00 – 13:00

Møtet vart styrt av ordførar Øyvind H. Oddekalv.

Medlemmene var innkalla i skriv dat. 12.10.16 og møtet var kunngjort i pressa 20.09.16.

Av 7 medlemmer var 7 til stades ved handsaming av sak 80-094.

Formannskapet hadde pause frå kl. 10:20 – 10:30 og frå kl. 11:35 – 11:55.

Bjørn Tore Hesjedal frå Meland Idrettsråd orienterte om arbeidet generelt og situasjonen for idrettslaga i forbindelse med kommunesammenslåing. Gunn Tove Kalnes Skjervheim, Sølvi Jarness og Audun Håland var og til stades.

Jannicke Neteland Olsen frå Statens Vegvesen orienterte om kommunedelplan E39.

Møtedeltakarar	Parti	Rolle
Øyvind H. Oddekalv	AP	Ordførar
Nils Marton Aadland	H	Varaordførar
Anne Grete Eide	AP	Medlem
Sigmund Larsen	FrP	Medlem
Per Kristian Holmetun	SP	Medlem
Marit Samnøy Jøssang	KRF	Medlem
Silje Ingelin Sæterstøl	V	Medlem

Desse møtte frå administrasjonen: Rådmann Ingvild Hjelmtveit, personal og organisasjonssjef Kari Anne Iversen, sektorsjef teknisk Anny Bastesen og økonomisjef Per Inge Olsen.

Protokollførar: Randi Hilland

20. oktober 2016

Øyvind H. Oddekalv
Ordførar

Randi Hilland
konsulent

Sakliste

Saknr	Tittel
80/2016	Godkjenning av innkalling og sakliste
81/2016	Godkjenning av møtebok
82/2016	Referatsaker
83/2016	Aktuelle saker
84/2016	Orientering av rådmannen
85/2016	Orientering om status kommunestruktur
86/2016	Økonoisk rapportering august 2016
87/2016	Finansrapport per 31.08.2016
88/2016	Tilskot til private barnehagar i 2017-fastsetjing av satsar
89/2016	Justering av reglement for formannskapet
90/2016	Justering av reglement for Utval for drift og utvikling (UDU)
91/2016	Intensjonsavtale om vidareføring av utvalde tenester frå Business Region Bergen
92/2016	Reviderte føresegner til kommuneplanen sin arealdel
93/2016	Høyringssvar - framlegg til endringar i matrikkellova, organisering av oppmålingstenesta
94/2016	Kommunedelplan E39 Flatøy - Eikefettunnelen. Oppstart av planarbeid,og planprogram til offentleg ettersyn

80/2016: Godkjenning av innkalling og sakliste

Rådmannen sitt framlegg:

"Innkalling og sakliste vert godkjent."

19.10.2016 FORMANNSKAPET

Nils Marton Aadland minna om at ny kommunelov er på høyring. Viktig at kommunen gir ein uttale.

FS - 80/2016 VEDTAK:

"Innkalling og sakliste vert godkjent."

81/2016: Godkjenning av møtebok

Rådmannen sitt framlegg:

"Møtebok frå møte 31.08.16 vert godkjent."

19.10.2016 FORMANNSKAPET

FS - 81/2016 VEDTAK:

"Møtebok frå møte 31.08.16 vert godkjent."

82/2016: Referatsaker

Rådmannen sitt framlegg:

"Meldinga vert teken til orientering."

19.10.2016 FORMANNSKAPET

Skrivet vart referert.

FS - 82/2016 VEDTAK:

"Meldinga vert teken til orientering."

83/2016: Aktuelle saker

Rådmannen sitt framlegg:

19.10.2016 FORMANNSKAPET

Følgjande saker vart tekne opp:

Ordførar:

- Skriv frå Fylkesmannen der kommunen vert oppmoda om å busette 23 flyktningar i 2017 istaden for 35 som var vedteke tidlegare.
Kommunen er ikkje beden å ta imot einslege mindreårige flyktningar.
- Status politireformen – både forslaget og alternativet til arbeidsgruppa har kontor i Knarvik og Masfjorden.
- Møte i Bergensalliansen førstk. torsdag om brannsamarbeid. Resultatet frå møte vert sendt alle kommunane, og skal handsamast i kommunestyra.
- Forsvarsministeren svara på spørsmål i spørjetimen i Stortinget at militær forbudsone i Hjeltefjorden berre gjeld sjø. Har hatt eit møte der Fylkesmannen, Askøy kommune og Meland kommune har teke del.
Nytt møte 24. oktober der også forsvaret deltar. Vedtak frå kommunestyret og skriv der ein ber om presisering av at restriksjonar berre gjeld sjø er sendt Forsvaret.
- Bergen og Omland Havnevesen er lagt ned. Nytt havneselskap skal opprettast. Stiftingsmøte 4. november.
- Gruppeleiarane har ønske om eit betre digitalt verktøy til kommunestyremedlemmene.
Det vil verte sendt ut forespørsel til kommunestyrerepresentantane, og dei som har behov melder det.
Ordførar og rådmann ser på ulike løysingar.
- Oppslag i lokalavisene om NGIR. Saka vart drøfta på siste regionrådsmøte. Skal jobbe vidare med saka.

Silje Ingelin Sæterstøl:

- Kyrkjeutvalet for ny kyrkje og kulturhus har hatt møte. Status kyrkjetomt?
Møtet vart lukka med tilvising til kommuneloven § 31.3. under ordføraren si orientering.

Gruppa som arbeider med bruk av tomten vil verte invitert til møte i formannskapet.

Marit Jøssang:

- Må få belyst bruk av midlar til pleie og omsorg.

FS - 83/2016 VEDTAK:

"Formannskapet tek orienteringane til vitande."

84/2016: Orientering av rådmannen

Rådmannen sitt framlegg:

19.10.2016 FORMANNSKAPET

Det vart orientert om følgjande:

- Statsbudsjett - Meland kjem dårleg ut.
Må ta ned tenestene.
Basistilskot halvert, men til dei kommunane som har vald å slå seg saman skal det betalast ut meir seinare. Må få tala før budsjettet skal handsamast.
Meland har ein ung befolkning, og dette gir utslag når ein har revidert kostnadsnøklane.
Kraftig reduksjon i veksttilskotet.
- Stortingsmelding om NAV-kontor - skal behandlast før jul.
- Høyringsmøte i KS i Oslo om einslege mindreårige flyktingar.
- Lønsforhandlingar kap. 5 er avslutta.

FS - 84/2016 VEDTAK:

"Formannskapet tek orienteringane til vitande."

85/2016: Orientering om status kommunestruktur

Rådmannen sitt framlegg:

19.10.2016 FORMANNSKAPET

Det vart orientert om følgjande:

- Valgt representantar til førebels fellesnemnd. Møte i november der ein m.a. skal diskutere mandat.
- Fellesmøte med kommunestyrerepresentantane i dei tre kommunane 27. oktober på Nordhordland Folkehøgskule.
- Må få på plass prosjektleiar.
- Prioritere - kva prosjekt som må setjast i verk no.
- Ordførarane i dei tre kommunane skal ha møte med kommunalministeren førsk. onsdag.

FS - 85/2016 VEDTAK:

"Formannskapet tek orienteringane til vitande."

86/2016: Økonomisk rapportering august 2016

Rådmannen sitt framlegg:

"Budsjettrapport pr 31. august 2016 vert teken til vitande."

19.10.2016 FORMANNSKAPET

Økonomisjef Per Inge Olsen orienterte.

FS - 86/2016 VEDTAK:

"Budsjettrapport pr 31. august 2016 vert teken til vitande."

87/2016: Finansrapport per 31.08.2016

Rådmannen sitt framlegg:

«Kommunestyret tek Finansrapport per 31.08.2016 til vitande»

19.10.2016 FORMANNSKAPET

Økonomisjef Per Inge Olsen orienterte.

FS - 87/2016 FRAMLEGG TIL VEDTAK:

«Kommunestyret tek Finansrapport per 31.08.2016 til vitande»

88/2016: Tilskot til private barnehagar i 2017-fastsetjing av satsar

Rådmannen sitt framlegg:

«1. Det vert fastsett følgjande driftstilskot per heiltidsplass til ordinære private barnehagar:

Små barn: kr 180 108

Store barn: kr 85 702

Kapitaltilskot: kr 12 262

For Blåklukka og Drømmehagen vert det føreslege følgjande satsar for kapitaltilskot:

Kapitaltilskot Blåklukka: kr 14 760

Kapitaltilskot Drømmehagen: kr 17 400

2. Dersom det vert vedteke endringar i kommunal deflator eller makspris foreldrebetaling barnehage skal satsen for driftstilskot verte berekna på nytt.

3. Tilskot til private familiebarnehagar og kapitaltilskot til private familiebarnehagar vert fastsett på bakgrunn av fastsette nasjonale satsar når statsbudsjettet vert vedteke.»

19.10.2016 FORMANNSKAPET

Framlegg til endring i møtet av rådmannen sitt framlegg til vedtak:

"For Blåklokka og Drømmehagen vert det fastsett følgjande satsar for kapitaltilskot:"

Framlegg til tillegg i møte av rådmannen sitt framlegg til vedtak:

"Det vert teke atterhald om endeleg fastsetjing av kapitaltilskot."

Avrøysting:

Rådmannen sitt framlegg til vedtak med endring og tilleggsframlegg vart samrøystes vedteke.

FS - 88/2016 FRAMLEGG TIL VEDTAK:

«1. Det vert fastsett følgjande driftstilskot per heiltidsplass til ordinære private barnehagar:

Små barn: kr 180 108

Store barn: kr 85 702

Kapitaltilskot: kr 12 262

For Blåklokka og Drømmehagen vert det fastsett følgjande satsar for kapitaltilskot:

Kapitaltilskot Blåklokka: kr 14 760

Kapitaltilskot Drømmehagen: kr 17 400

Det vert teke atterhald om endeleg fastsetjing av kapitaltilskot.

2. Dersom det vert vedteke endringar i kommunal deflator eller makspris foreldrebetaling barnehage skal satsen for driftstilskot verte berekna på nytt.

3. Tilskot til private familiebarnehagar og kapitaltilskot til private familiebarnehagar vert fastsett på bakgrunn av fastsette nasjonale satsar når statsbudsjettet vert vedteke.»

89/2016: Justering av reglement for formannskapet

Rådmannen sitt framlegg:

«Kommunestyret godkjenner at reglement for Meland formannskap vert justert i samsvar med vedtak i kommunestyret 04.05.11.»

21.09.2016 KOMMUNESTYRET

Saka vert trekt.

Formannskapet 19.10.16:

Reglementet er justert kva gjeld arbeids- og ansvarsområde for formannskapet – kommunalt arealplanarbeid.

KS - 84/2016 VEDTAK:

19.10.2016 FORMANNSKAPET

FS - 89/2016 FRAMLEGG TIL VEDTAK:

«Kommunestyret godkjenner at reglement for Meland formannskap vert justert i samsvar med vedtak i kommunestyret 04.05.11.»

90/2016: Justering av reglement for Utval for drift og utvikling (UDU)

Rådmannen sitt framlegg:

«Kommunestyret godkjenner at reglement for hovudutvala vert justert i samsvar med vedtak i kommunestyret 04.05.11.

21.09.2016 KOMMUNESTYRET

Saka vert trekt.

KS - 85/2016 VEDTAK:

Formannskapet 19.10.16:

Reglementet er justert kva gjeld arbeids- og ansvarsområde for Utval for drift og utvikling (UDU), gjeld presisering av planarbeid.

19.10.2016 FORMANNSKAPET

FS - 90/2016 FRAMLEGG TIL VEDTAK:

"Kommunestyret godkjenner at reglement for hovudutvala vert justert i samsvar med vedtak i kommunestyret 04.05.11."

91/2016: Intensjonsavtale om vidareføring av utvalde tenester frå Business Region Bergen

Rådmannen sitt framlegg:

«Kommunestyret godkjenner intensjonsavtalen om vidareføring av tenester i Business Region Bergen.

Meland kommune betaler kr 7 pr innbyggjar i 2017 for dei to prosjekta Etablerarsenteret og Invest in Region Bergen. Det vert teke atterhald om at alle medlemskommunane og fylkeskommunen bidreg med same beløp pr innbyggjar.

Det vert utarbeidd ein eigen avtale som regulerer samarbeidet ytterlegare frå 2017.»

19.10.2016 FORMANNSKAPET

FS - 91/2016 FRAMLEGG TIL VEDTAK:

«Kommunestyret godkjenner intensjonsavtalen om vidareføring av tenester i Business Region Bergen.

Meland kommune betaler kr 7 pr innbyggjar i 2017 for dei to prosjekta Etablerarsenteret og Invest in Region Bergen. Det vert teke atterhald om at alle medlemskommunane og fylkeskommunen bidreg med same beløp pr innbyggjar.

Det vert utarbeidd ein eigen avtale som regulerer samarbeidet ytterlegare frå 2017.»

93/2016: Høyringsvar - framlegg til endringar i matrikkellova, organisering av oppmålingstenesta

Rådmannen sitt framlegg:

«Kommunestyret rår frå at matrikkellova vert endra slik det går fram av høyringsframlegget sendt ut 19.08.2016 frå KMD. Notat datert 10.10.2016 er kommunen sitt høyringsvar i saka, saman med saksutgreiinga.»

19.10.2016 FORMANNSKAPET

Framlegg til vedtak frå Sigmund Larsen, FrP og Nils Marton Aadland, H:

"Kommunestyret sluttar seg til framlegg til endringar i matrikkellova, organisering av oppmålingstenesta."

Avrøysting:

Framlegget frå Sigmund Larsen og Nils Marton Aadland fekk 3 røyster for, (FrP, H, V), 4 røyster mot, og fall.

Framlegget frå rådmannen fekk 4 røyster for, (2 AP, SP, KrF), 3 røyster mot, og er såleis vedteke.

FS - 93/2016 FRAMLEGG TIL VEDTAK:

«Kommunestyret rår frå at matrikkellova vert endra slik det går fram av høyringsframlegget sendt ut 19.08.2016 frå KMD. Notat datert 10.10.2016 er kommunen sitt høyringsvar i saka, saman med saksutgreiinga.»

94/2016: Kommunedelplan E39 Flatøy - Eikefettunnelen. Oppstart av planarbeid, og planprogram til offentleg ettersyn

Rådmannen sitt framlegg:

Formannskapet vedtek oppstart av arbeid med kommunedelplan for E39 Flatøy-Eikefettunnelen i samsvar med plan- og bygningslova § 11-12, jf. §11-4. Framlegg til planprogram vert i samsvar med plan- og bygningslova §11-13 lagt til offentleg ettersyn.

19.10.2016 FORMANNSKAPET

Felles tilleggsframlegg i møtet:

"Formannskapet vil kome tilbake med merknader etter at høyringsfristen er gått ut. Formannskapet vil m.a. sjå på traséval i tettbygd strøk."

Avrøysting:

Rådmannen sitt framlegg med tilleggsframlegg i møte vart samrøystes vedteke.

FS - 94/2016 VEDTAK:

"Formannskapet vedtek oppstart av arbeid med kommunedelplan for E39 Flatøy-Eikefettunnelen i samsvar med plan- og bygningslova § 11-12, jf. §11-4. Framlegg til planprogram vert i samsvar med plan- og bygningslova §11-13 lagt til offentlig ettersyn.

Formannskapet vil kome tilbake med merknader etter at høyringsfristen er gått ut. Formannskapet vil m.a. sjå på traséval i tettbygd strøk."
